

जेहदे पर अंदाजन कोई इक जहार 677 करोड़ रपे दा खर्च आंग। इस बारे जानकारी दिंदे होई केन्द्री मंत्री अश्विनी वैष्णव होरें दस्सेया जे 70 जहार 500 वर्ग मीटर रकबे च फैले दे इस टर्मिनल दी छमता मते रश दौरान 2 जहार 900 ते सलाना इक करोड़ यात्रियें तगर बधी जाहग। एहदे बनी जाने कन्नै जहाज खडेरने दी छमता बी बधी जाहग। इस फैसले दी घोषणा करदे होई अश्विनी वैष्णव होरें आखेया.

उपराज्यपाल मनोज सिन्हा होरें इस मंजूरी लेई प्रधानमंत्री नरेन्द्र मोदी हुंदा अभार जताया ऐ ते आखेया ऐ जे नमें सिविल एन्कवेल कन्नै ना छड़ा ब्हाई सम्पर्क गी बड़ा मता बाद्दा होग-सगुआ सैलसफा निवेश ते रोजगार दे मौके च बी पक्क गै बाद्दा होग। उ'ने अग्गे आखेआ जे जम्मू ब्हाई अड्डे पर बना रदा - नमां टर्मिनल इस बरे दे अखीर धोड़ी मुकम्मल होई जाहग जे प्रदेश च आर्थिक विकास गी रफतार थहोग। तोंआई मुखमंत्री उमर अब्दुल्ला होरें बी इस मंजूरी लेई प्रधानमंत्री हुंदा आभार प्रगट करदे होई आखेया ऐ जे एहदे नै जम्मू-कश्मीर दी अर्थबवस्था गी बड़डा उछाल थहोग।

<><><><><><>

VP -JK Visit

उपराष्ट्रपति सी.पी. राधाकृष्णन होर अज्जै थमां जम्मू-कश्मीर दे 2-रोजा दौरै पर आवा'रदे ना। अपने पैहले-पैहले दौरै दौरान उप-राष्ट्रपति होर श्रीनगर च युनिवर्सिटी ऑफ कश्मीर दे दीक्षांत समारोह च बतौर मुख परौहने शामिल होडन। घाटी च एदे लेई सुरक्षा दे व्यापक बंदोबस्त कीते गेदे ना। सुरक्षाबलें आसेआ जांच बदाई दिती गेई ऐ ते महत्वै आहले थाहरें ते औने-जाने आहली

थाहरें कश बाद्दू नाके लाए गेदे न। जवानें दी गशत बदाई गेई ऐ। कुसै बी चाली दी माड़ी हरकत गी रोकने लेई चानचक्क निरिक्षण वगैरा बी कीता जा'रदा ऐ।

<><><><><><>

Kathua Prop. Attached

जम्मू-कश्मीर पुलसै कठुआ जिले दे बिलावर इलाके च भटोदी थाहर,जम्मू-कश्मीर पुलसै कठुआ जिले दे बिलावर इलाके च भटोदी थाहर पाकिस्तान थमां होइयै आतंकवादी गतिविधियां करोआने दे आरोपी स्वार दीन उर्फ स्वरारु दी जिमी दा इक प्लाट अटैच कीता ऐ। पुलसै दे इक प्रवक्ता दा आखना ऐ जे स्वार दीन लोहाई मल्हार दे भटोदी गां दा बसनीक ऐ जेहड़ा काफी चिर पैहले बन्ने पार उठी गेदा ऐ ते उत्थुआं भारत च राष्ट्र विरोधी गतिविधियां करोआने च मुलव्वज ऐ जेहड़ियां मुल्खै दी सुरक्षा लेई खतरा हुंदियां न। स्वारदीन गी पैहले गै भगौड़ा घोषित करी दिता गेदा ऐ। ओहदा साइडे 7 मरले दा एह प्लाट बिलावर पुलसै अदालत दे निर्देश मुजब अटैच कीता ऐ। पुलसै दा आखना ऐ कि इस कारवाई दा मकसद आतंकवादी संगठनें गी थहोने आहली माली ते होर बी कुसै चाल्ली दी मदाद दी सुविधा गी खत्म करना ऐ।

<><><><><><>

Shantmanu Roundtable

जम्मू-कश्मीर दे प्रदेश चुनां आयुक्त शांतमनू होरें नमीं दिल्ली च आयोजित भारतीय चुनां आयोग ते राज्य चुना आयुक्तें दी राष्ट्रीय स्तह दी गोलमेज कांफ्रेंस च मुख् भाषण दिता। कांफ्रेंस मगरा राष्ट्र घोषणा-पत्र गी सबनें दी सहमती कन्नै स्वीकार करी लैता गेआ। एदा

मकसद चुनां इकाइयें बश्कार सहयोग गी मजबूत करने ते मुख्यै च चुनां प्रक्रिया गी बेहतर करना ऐ। मुख्क चुनां आयुक्त्त Gyanesh Kumar होरें मतदाता सूचियें दी स्टीकता दी जरूरता पर जोर पाया। उ'नें भारतीय चुनां आयोग ते राज्य चुनां आयोगें बश्कार सहयोग पर बल दिता। एह कार्यक्रम 27 बरे दे वक्फे दे परैन्त होआ।

<><><><><><>

KKG Summit

महाराष्ट्र सरकार आसेया मुम्बई च आयोजित “ए.आई फॉर एग्री 2026” शिखर सम्मेलन च जम्मू-कश्मीर च किसान खिदमत घर आहली बवस्था दी बड़ी मती सिफ्त होई ऐ। इस शिखर सम्मेलन च जम्मू-कश्मीर थमां राई-बाई क्षेत्र दे पूरा-पराते विकास सरबंधि कार्यक्रम HADP दे मिशन डायरेक्टर सदीप कुमार शामिल होने गितै गेदे हे जिनेंगी उत्थै दस्सेया जे किस चाल्ली जम्मू-कश्मीर च आर्टिफिशल इंटैलीजेन्स गी छड़ा इक दूरै दी सुविधा दे तौरा पर इस्तमाल नैई कीता जा'रदा- जेहदी छड़ी किश गिनें चुने दे क्षेत्रें च बरतून होई सकदी ऐ सगुआ इसी राई-बाई सनें हर क्षेत्र च इक सार्वजनिक भलाई आहले उपकरण दे तौरा पर इस्तमाल कीता जा' रदा ऐ। उ'नें दस्सेया जे किश चाल्ली जम्मू-कश्मीर च डिजिटल उफकरणें दा इस्तमाल करसानें दी मदद ते समर्थन लेई जकीनी सतह पर कीता जा'रदा ऐ।

<><><><><><>

Ranji Trophy

जम्मू-कश्मीर क्रिकेट टीम नै रणजी ट्रॉफी दे पैहले दिन अपना दबदबा बनाया। कर्नाटका क्रिकेट टीम खलाफ खेडदे होई टीम दा स्कोर पैहले दिन 2 विकेटां मुहाइयै 284 हा। शुभम Pundir नै 117 रन्ज बनाए न ते क्रीज पर बने दे न। अब्दुल समद नै 52 रन्ज दी पारी खेड्डी। दौनै खडारिये कर्नाटक दे गेंदबाजे गी परेशान करी दिता। पैहले दिन दी मजबूत शुरुआत कन्ने जम्मू-कश्मीर दी टीम अज्ज बी अपना बेहतर करने दी कोशिश करोग।

<><><><><><>

KIWG Day 2

गुलमर्ग च चलै करदी खेलो इंडिया स्यालू खेड्डे दे दुए रोज कल 4 मुकाबले च शानदार प्रदर्शन दिक्खने गी लब्बा। शार्दुल नै स्की माउन्टेरिंग च सुन्ने दा तगमा जितेया जिसलै के महाराष्ट्र थमां काम्या कार्तिकेयन नै शानदार प्रदर्शन कीता। नार्डिक स्कींग च भवानी टी.एन नै दंऊ कैंह दे तगमे जिते- इक 10 किलोमीटर ते दुआ 15 किलोमीटर वर्ग च। मर्दे दे 10 किलोमीटर नार्डिक च मंजीत नै कैंह दा ते महिलाये दे वर्ग च इस मुकाबले च काजल कुमारी राय नै सुन्ने दा तगमा जितेया। स्कीं माउटेनरिंग च सुन्ने दा तगमा जितने पर शार्दुल नै अपनी खुशी प्रगट करदे होई आखेया.

<><><><><><>

Viksit Villages

जम्मू-कश्मीर सरकार 90 गां गी प्रस्तावित विकसित गां जत्न तैहत आर्दश विकास केन्द्र दे तौर पर तब्दील करोग। ग्रामीण विकास ते पंचैती राज सचिव मोहम्मद Aijaz Asad होरें जम्मू दी प्रोजैक्ट रिपोर्ट दे मसौदे दा जायजा लैता। हर इक गां लेई 2 करोड़ रपे रक्खे गेदे न। एदे रां गां दा पूरा-पराता विकास कीता जाग जेदे तैहत Smart Libraries/ सौर ऊर्जा/ खडेरने लेई थाहर ते कचरा प्रबंधन जनेह कम्म होडन। एह जत्न विकसित भारत 2047 दे नजरिए दे मूजब ऐ। एदे लेई गां दी ताल मार्च तगर पूरी होई जाग। इस जत्न दी अमलावरी 2 बरें दे अंदर-अंदर होई जाग।

<><><><><><>

Handloom Ramban

रामबन च हत्थखड्डी मैहकमे नै दस्तकारी ते हत्थखड्डी विभाग दे कारीगरें ते बुनकरें दे बच्चें गी माली मदाद देने लेई इक नमां वजीफा कार्यक्रम शुरु कीता ऐ। स्हाड़े संवाददाता नै जानकारी दिती ऐ जे इस प्रोग्राम दा मकसद विद्यार्थिं गी अपनी पढ़ाई पूरी करने च मदद करना ऐ- जेहदे च हर परोआर च दंऊ बच्चें गी वजीफे दी सुविधा उपलब्ध करोआई जाग। विद्यार्थियें गी भुगतान सिद्धें लाऽ मुंतकिल यानि डाइरेक्ट बेनिफिट ट्रांसफर दे रां कीता जाग। इस बारे होर जानकारी दिंदे होई रामबन दे हत्थखड्डी ते दस्तकारी मैहकमे दे सहायक निदेशक प्रदीप शान होरें आखेआ.

<><><><><><>

Weather

मौसम विभाग नै फरवरी दे अखीरै तगर खिते च मौसम खुशक गै बने दे रौहने दी पेशगोई कीती ऐ। मौसम विभाग नै घट्टो-घट्ट ते बद्दोबद्द तापमान च इक थमां 2 डिग्री च बाददा होने दी बी पेशगो कीती ऐ। एह बदलाव अगले त्रै थमां 4 दिनें दौरान होई सकदा ऐ। इस बारे होर मती जानकारी दिंदे होई मौसम विभाग दे अधिकरी नै आखेया.

<><><><><><>